



廟學典禮卷五

行臺生下憲司講究學校便宜



行御史臺元貞元年六月劄付詿據福建閩海道肅政
廉訪司中照得立提刑按察司欽奉聖旨條畫內一款
節該所至之處勸課農桑問民疾苦勉勵學校宣明教



化欽此詔書內一款學校之設所以作成人材仰各處
正官教官欽依先皇帝已降聖旨主領敦勸嚴加訓誨
務要成材以備擢用仍仰中書省議行貢舉之法其無
學田去處量揆荒間地土給贍生徒所在官司常與存

恤欽此除欽依外方今朝廷清明崇重儒術然獎諭之
文雖篤而教育之方未備平居學校既無素定之規他
時貢舉豈有超群之士擬合明立教條使之日就月將
庶幾養成材器以待選掄為此畧舉到合行數件判送
福建道儒學提舉司詳細請究連呈去後回申集到福
州路儒學教授熊朋來并學正學祿人等請究到逐項
事理誠恐中間所擬未應繳連到元奉判申送乞照詳
事得此省會福建道儒學提舉司照依所據事理依上
施行如委於學校有所裨益堪以為例遍行開具保結

臣瞿啟甲呈進

申司去後未到間九月十六日承奉行御史臺劄付該
准御史臺咨奏准頒降聖旨節該孔子曲阜林廟上都
大都諸路府州縣邑應設廟學書院本路總管府提舉
儒學肅政廉訪司宣明教化勉勵學校作養人材及集
約諸人毋得沮擾等事及有差來官齎擎御寶聖旨到
來開讀訖恭迎前去福建道廟學欽領安奉外今據儒
學提舉司申遵依將請究到學校逐項合行事理依上
施行委於學校有所裨益堪以為例若蒙通行各路一
體施行吾道幸甚保結申訖照詳事得此卑司開坐申

乞照詳施行得此行下江東建康道肅政廉訪司行移
本道儒學提舉司更為講究擬定申去後今據回申行
據提舉司申會集守司建康路儒學校授山長正錄教
諭各職事人等依上講究得與本道學校見行教養大
畧相同似此規繩依上施行俱各相應保結乞照驗施
行得此申乞照驗事憲臺除外合仰照驗行移所屬儒
學一体施行承此除外合下仰照驗遍下合屬儒學依
奉臺劄內事理施行先具依准文狀申來 一肄業儒
生朔望並須詣學陪拜聽誨如無假故而不到者仰學

臣瞿啟甲呈進

官檢舉議罰前件議得在籍儒人凡遇朔望不犯紅日
並須請學親筆書名陪拜聽誨雍容就列不得誼譁如
有事故者先期具狀經教官給假附簿以憑稽考或未
經請假妄稱事故而不赴學者從舉事檢舉其呈教官
依例行罰徵到鈔數委各司罰置簿收掌以助修學或
充課賞 一每月課式之法合照舊倒計其分数逐月
載籍終歲考其優劣以定殿最其十二試俱黜者降供
積及十分者春秋二季教官申請本路文資正官詣學
有廉訪司集諸生簾引籍其高下以脩歲貢前件議得
官處同到

儒人課式擬每月後教官出題或賦論經義史評之類
在籍諸生各供本經全篇每五卷約取一名照舊例魁
名三分亞名二分又次名一分半通榜者各一分教官
考校逐月載籍歲終計其分数以考優劣如十二試積
及十分者次年正月內後教官申請本路文質正官廉
訪司官諸學集及分儒生簾引文義通暢者取首名保
申上司以備歲貢其餘籍記姓名所有十二試俱黜者
降供一季發付本學訓誨逐日在齋習讀伺降供滿日
再行引試中格許令回參其連三月不試者從教官議

臣瞿啟甲呈進

罰一朔望講書除職事合選述講議登堂講說外其
諸生並無講說今後合預先出題置立簽筒遍寫該講
生員名姓臨時掣簽背誦二次文理不通者降供前件
議得儒學除教官正錄前廊耆舊朔望輪次講說外三
十歲以下十五歲以上儒生常川在學肄業每月朔日
教官預先出題三章揚示廊廡聽其誦究精熟置之簽
筒遍寫該誦生員姓名至本月望日同登堂聽誦畢請
教官臨時掣簽引至案前對眾將朔日題目誦說三次
文理不通者擬降供一季發付本學教導訓誨再行習

讀伺降供滿日引上覆念誦究文理通者許令回奏不通者從學官議罰其係藉儒人不依例赴學供稱陪拜生員於由多有時賴見究行省廉訪司總管府典吏貼書學校似難約束訪教官具姓申廉訪司經歷司照驗區處各路總管府照驗施行 一在學行供執事生員每日誦書會課須當立定成規前件議得在學儒人除前廊耆舊皆止宋登科貢舍之人逐月朔望輪次誦書外東西序者儒內請每日登堂誦通鑑一章然後會食儒生五十歲以下者各供月課孟月經賦仲月論俱各

臣瞿啟甲呈進

全篇季月經疑史評其三十歲以下者各坐齋讀書延請誦書訓誨日各習所業或雜文論冒小經義唐律詩之類期以成材十五歲以下者設小學一所教導二貧逐日依小學規式教導施行 一設立小學照依已行事理施行坐次師席居中左右以次設書桌以右諸為上生序齒兩兩相對直日設坐師席南兩端鐘設於師席右名牌設於師席左直日所掌諸物直日名牌上書直日輪次名姓用畢鐘簽筒硯水餅手牌上書安箕帚書桌香炉紙糊復書界方火鑪諸生所說書名牌人名一上書姓名諸生至各認名依次掛直日

所掌諸事清晨洒掃溫誦舊書專監視諸生不如法者
 舉之諸生晨參誦書會食習字呈押試書暮歸並鳴鐘
 喝揖諸生所誦讀書合用朱文公小學書為先次及孝
 經論語早晨合先誦小學書午後隨長幼敏鈍分
 授他書孝經合用文公刊誤本語孟用文公集注詩書
 用文公集傳訂定傳本誦說諸生所習字合用唐顏尚
 書字樣寫大小兩樣諸生逐日儀式晨參清晨諸生畢
 至師就坐直日鳴鐘一聲諸生以次出門外序立第二
 聲諸生以次自正門東方入北面上重行立第三聲喝

臣瞿啟甲呈進

揖諸生齊揖班首自西折旋至師前進三步拱手問先
 生安否如師云常復退三步揖折旋入本位直日喝圓揖諸
 生圓揖喝就位諸生各就位中有兄弟叔姪同學候誦
 就位後卑幼者就尊揖
 書直日與侍立各一人以小學書及簽筒置於書桌鼻
 於堂中諸生北面重行立鳴鐘一聲喝諸生齊揖拱立
 初開誦日師先誦小學書第一章次日諸生齊揖畢侍
 立取簽置師前桌上呼其上姓名聞呼者出班自東方
 折旋入本位或抽三四簽惟師意畢師復講授第二章
 講畢鳴鐘喝揖諸生齊揖畢喝復位諸生各就位誦書

諸生就坐誦所授書或未通曉起立拱手問師再說或齋長先通師令巡問諸生通否務要熟誦精思毋得率畧會食早食至直日鳴鐘喝揖諸生齊揖就食毋得語言咳唾伺食俱畢唱揖齊揖以次退就庭中以序行步務要舒徐毋得跳擲戲笑少頃直日鳴鐘各就位午食亦如之習字直日取硯各置諸生桌上滿貯水諸生各取筆墨習大字一紙小字一紙務要模倣精工字畫端謹通曉前賢筆法毋得率畧及有浥汙寫畢直日收硯

非寫字時不得置硯

歛諸生書紙於師前以次呈押畢復散于諸

臣瞿啟甲呈進

生位試書直日鳴鐘諸生各執書重行立于師前以次就試當試者以手執書冊度與師或自執或令齋長右立執之試者揖畢拱立念書畢復揖向前取書冊而退俱畢以次授諸生書授書以所讀書分班次如十人讀論語則十人為一班直日鳴鐘序立如前儀就師前聽授講畢齊揖以次退就坐熟誦精思或有疑問如土儀出入執手牌入則置真日位暮歸如清晨儀但班首於師前道先生安置圓揖畢以次出外序其卑幼各揖尊者直日執諸生名牌從上喝名兩、而退其有成章

願宿齋者從便誦讀前件照得設立小學至元三十一年正月日內依奉福建閩海道肅政廉訪司指揮議擬上路設立小學生三十名下路二十名經賦教導各一員每年常川在學肄業朔望與儒生一般陪拜誦書每日與儒生一體會食若有願學者聽申奉到福建等處行中書省判送儒學提舉司依例施行奉此已經行下合屬儒學依上施行去訖今擬照依已行事理相應 一各處鄉村小學訓蒙童師所在州縣學官毋得妄行勾擾有妨學業前件議得各處鄉村小學訓蒙童師乃訓誨

臣瞿啟甲呈進

人家子弟與州路縣別無統攝擬行移咨各路禁約相應 一各處書院山長縣學教諭依例保申休履委用毋得濫行差謾前件照得至元三十年七月內承奉肅政廉訪司指揮承奉行御史臺劄付准御史臺咨奉中書省劄付禮部呈該今後荐舉學職責任教授人員須要保結所錄文字委是親作即非假手又須保給所錄文字委是中程堪以傳授又須保結年高德劭今壽幾何委是為衆推服人須保結委堪教授或學正錄教諭如是已後但有虛冒不寔發露到官止將教授量情降

罰教授恐其累已選舉庶可覈真仰依上施行奉此又承奉行中書省劄付亦為此事已經行下合屬學院依上施行去訖今擬依例保申体覆委用毋得濫行差設相應 一真儒碩學在先漏籍不能入學之人許各見任品官舉脩隨例入學同赴月試如果性行純粹文學優長課試分数又居其上簾引中式教官籍其姓名候有降秩名間即今填補却不許泛行保舉審察得寔罪坐舉主前件議得在先漏籍不能入學儒人如亡宋曾經登科累有真材寔學者許召見任品官保舉本學取

臣瞿啟甲呈進

其備細出身根脚轉申肅政廉訪司体覆相應籍記姓名候有~~籍~~供名間却合補填仍申行省照驗其餘不曾登科而材學有用者亦許品官保舉隨例入學同赴月試如果性行純粹文學優長課試分数又居其上簾引中式教官籍其姓名候有降供名間依上補填却不許泛行保舉審察得寔罪坐舉主相應 一各處學校見有書板令教官檢校全者整頓成帙置庫封鎖析類架閣毋致~~散~~仰各印一部及置四書九經通鑑各一部裝背完整以脩檢閱不許私借出學如有書板但有

久開教官隨即點勘無差於本學錢糧內刊補成集前
件議得除福州路儒學見在書板未全者督令逐時修
補成帙專差職事二員掌官置庫封鎖柝類架閣不致
失散仍各印一部及置買四書九經通鑑各一部裝背
完整以脩檢閱不許私借出學但有欠闕令教官立便
照勘見數於本學錢糧內刊補其餘路學一體施行寔
為相應 一所在官司若將無籍儒戶妄行勾擾應當
雜復者許各處教官經申廉訪司并分司究治施行前
件照得至元二十六年四月內承奉前行尚書省劄付

臣瞿啟甲呈進

准都省咨文應儒人詞訟除奸盜役有司歸問外其餘
公事並從約會不許有司經直勾攝奉此又欽奉聖旨
節該在籍秀才做買賣納商稅種田納地稅其餘一切
雜泛差徭並行蠲免所在官司當加存恤欽此除欽依
外有各處官司徃：將在學儒人勾充雜役能官陳告
不蒙改正今後若有似此妄行勾擾去處許令學官就
申有司欽依施行如更不為改正許申廉訪司各路學
就申分司究治庶幾有以副聖朝崇儒重道之美意
一隨處文廟或有損壞去處即仰教官就申提調官於

本學係官錢糧內依公支破修蓋完備經行軍馬使臣人等毋得於內安下飲宴前件照得至元二十五年五月初七日承奉集賢院劄付該尚書省劄付設立江淮等處儒學提舉司管領學校贍士田土欽依至元二十三年二月內都省奏准聖旨與了秀才除欽依外從各道儒學提舉司點檢毋令教授濫支上下半年免行供報行省宣慰司總管府除外仰照驗施行奉此又照得至元二十九年正月十一日太傅御史大夫裕魯諾延崔中丞度安經歷奏過事內一件節諫江南屬孔夫子

臣瞿啟甲呈進

廟底田地依在前體例裏分付與各處孔夫子廟秀才每為主每年那田地裏出外底錢糧呵修理孔夫子廟春秋祭丁朔望祭祀者交教養人材者欽奉聖旨那般者欽此今來議得隨處文廟或有損壞去處仰教官從寔檢計於本學錢糧公支修理將用過各、備細數目開申儒學提舉司點檢備坐申覆肅政廉訪司照驗外據軍馬使臣人等於內安下飲宴福州路學已蒙肅政廉訪司給榜禁約外其餘路學擬乞依例給榜禁約施行一諫載不盡事理卑司議得聖門立教德行為先

於德勝才為君子才勝德為小人在前各處多有一等
豪華之徒口誦聖人之書身為市井之事教唆詞訟交
通貨賄妄稱風聞論官嚇吏濫占士籍有玷儒風今仰
各處教官常切訓誨在籍儒生務要讀書明理潔已修
身毋作浮辭以為訟師毋假衣冠以商財賄各務進德
修業以待選用如有違犯事發到官取問是寔削籍為
民依例當差 一該載不盡事理卑司照得學院之設
賓序所以待一鄉之達尊謂其仕學兩優齒德俱稱可
以儀表儒林綱維學校故待以賓客之禮而不敢列於

臣瞿啟甲呈進

諸生也比年以來賓序員多其間有身未嘗歷官方逾
弱冠或冒稱先賢後裔或自謂顯官子孫課業不供名
籍徒掛似此若不遴選委寔有愧作成今議得將亡宋
高科顯仕年高德劭者依舊令充賓序自餘年五十以
下及不曾歷任冒稱先賢顯官子孫之人並令與各齋
儒生一体供課簽誨肄業庶幾月書季考成就人材不
負聖朝崇儒重道嚴加訓飭之意

劄付浙東
海右道

行省坐下監察御史申明學

江浙等處儒學提舉司大德元年月日承奉江南浙西

道肅政廉訪司指揮該奉行御史臺劄付該據監察御史呈近為建康路儒學教授凡行文卷未審有無一體照刷呈奉憲臺劄付該照得至元二十九年正月內准御史臺咨奏遇事內一件節該屬孔夫子廟底田地根脚裏是秀才每置來底田地依在先體例裏秀才每為主修理孔夫子廟春秋祭丁朔望祭祀者若無窮暴老年毋倚靠的秀才每呵那底每根底養贍者這般行呵是底一般欽奉聖旨那般者欽此咨請通行各廉訪司常切監臨體察無致中間冒濫作弊違錯仰依例施行

臣瞿啟甲呈進

承此體知建康儒學并上元江寧縣學及明道南軒兩書院除學官外名儒老宿月支學糧養贍不一有每名一石者有五斗者有一名兩處支糧者有一家數口共食行供飲饌者有不係貧寒之士冒濫支請者又朔望拜謁課試程式規繩教養法度多不嚴整省會建康路經歷司逐一照刷取會明白從長講究遵行定例開坐具呈本路牒報去後今准牒諒脩本路經歷司呈依上與各處教官山長一同取會得除南軒書院名儒者宿自來不曾支請米糧外據路學明道書院上元江寧兩

縣學取會到見議名儒耆宿月支米糧照得路學例該當學見設耆宿係至元二十六年正月內朝廷差來官脫學士等官到來打算錢糧准報合該人員每月合支口糧五斗外據名儒不曾奉到上司明文差設今議得既無上司許設名儒明文擬合依例與耆宿一体每名月支米五斗及重支米糧儒人從例減併并照到一家數口共食行供飲膳緣由講究到朔望拜謁課試程式規繩教養法度府司看詳若依講究定逐項事理令各處遵守施行寔為便益開坐牒請照驗准此卑職看

臣瞿啟甲呈進

詳如准所擬就今本路行下各學書院依上遵守仍委提舉學校官常加主領毋致廢弛相應然此呈乞照詳施行得此除學糧另行外照得先據福建閩海道肅政廉訪司開申朔望陪拜試聽講等諸事條理行下江東道廉訪司令建康路儒學會集教授山長正錄教諭各各職事人等講究得本道學校見行教養大畧相同已經開坐遍下各道廉訪司行移所屬儒學一体施行去訖今據見呈憲臺今將福建道元申今次監察御史所呈事理開坐前去合下仰照驗依奉行御史臺劄付事

理更為講究就申合于上司照詳定奪施行奉此本司
官與杭州路學官職人等公同講究得所奉行御史臺
劄付開坐學規各項事理於作成人材寔為便益為此
開坐申覆江浙等處行中書省約詳定奪施行去後回
奉省府劄付來申學規各項事理乞約詳事得此省府
合下仰照驗就便行下各處儒學遵守施行奉此本司
除外今將所奉各項事理開坐前去合下仰照驗就便
行移州縣儒學依上遵守施行福建閩海道肅政廉訪
司元申開

即依前項行臺坐
下指揮內學規

監察御史今次所呈一

臣瞿啟甲呈進

件儒生朔望拜謁照得各處元奉前儒學提舉司指揮
脩奉江東建康道肅政廉訪司指揮承奉行御史臺到
付坐下學校便宜事件數內議得在籍儒人凡遇朔望
不犯紅日並須詣學親書花名陪拜聽講雍容就列不
得喧嘩如有事故者先期具狀經教官給假附籍以憑
稽考或未經請假妄稱事故而不赴學者從舉事檢舉
具呈教官依例行罰將罰到鈔數令司罰置簿收掌以
助修學或充課賞奉此即日各學槩管儒人每遇旦望
至日早到學親手書單陪拜聽講今將各處槩管有籍

儒人開坐於後路學總計一百九十五戶明道書院總計五十七戶南軒書院總計上元縣學總計三十八戶江寧縣學總計五十九戶前件請究得若令路學明道南軒書院上元江寧兩縣學各置簿籍教授印押將各處附籍儒人花名條細開寫凡遇朔望至日侵晨到學親筆書歷如有事故先期具狀經教官給假附歷以憑稽考或妄稱事故而不赴學者依例檢舉行罰仍將罰到鈔教委令司置簿收掌以助修理學舍或充課賞相應 一件程式照得路學明道南軒書院上元江寧兩

臣瞿啟甲呈進

縣學見依奉前儒學提舉司指揮條奉江東建康道肅政廉訪司指揮承奉行御史臺劄付坐下學校便益事數內議得儒人課試每月從教官出題或賦論經義史評之類在籍諸生供本經全篇每五卷約取一名照舊例魁名三分亞名二分次名一分半通榜者各一分教官考試逐月載籍歲終計其數以考優劣如十二試積及十分者次年正月內從教官申請本路文資正官廉訪司官請學集及分儒生簾引文義通暢者取首名申上司以憑歲貢其餘籍記姓名所有十二試俱黜者降

供一季發付本學訓誨逐日坐齋習讀候降供滿日再行引試中格許令回參其連三月不試者從教官議罰前件誹究得若將路學明道南軒書院上元江寧兩縣考中儒人花名試中經賦每月開申本路儒學轉申總管府照驗仍將試中經賦裝楷成冊每季申解合于上司以備歲貢相應 一件課試每月儒生五十歲以下者各供用課孟月經賦仲月論季月經義史評今取具到各處合供課儒人花名開坐于後路學總計六十四名治經儒人二十六名治賦儒人三十八名大學生員

臣瞿啟甲呈進

課試三十歲以下者各坐齋讀書延請誨書訓誨每日每習課業一六本經經義破題承冒賦破一韵二七本經義小經義賦省題詩三八經賦同律詩一首四九經賦同古詩一首五十經賦同語孟口義食後出課習字說書午前讀書午後供課呈教授脯後書名會食課辨方許放學小學生員課試每日背誦隔日書授本日書出本日課題律詩省詩對句登堂聽誨食後習功課七言律五言律絕句省詩隔對七字對五字對習字讀本日書午後食習功課說書大學中庸論語小學之書

通鑑出晚對供晚對每月初三日引試每月十六日引
 試正錄出題教授考校取中合格者前三名支賞每月
 十四日試誦每月二十九日試誦明道書院總計一十
 四名治經七名治賦七名大學生員課試三十歲以下
 省各、坐齋讀書延請誦書訓誨近因上年深水州田
 土被水淹沒無收正是旦望行供才于十二月初一日
 為頭每日照舊例行供誦課每日課治、經義者小經
 義冒治賦者省詩午後納課呈山長脯後書名會食課
 辨呈公堂放學小學生員課業每日從小學教諭出題

臣瞿啟甲呈進

授書訓導每過三日一次供詩每日背誦隔日書授本
 日書出本日課題省詩對句食後習功課午後說書大
 學中庸論語孟子小學之書通鑑出晚對供晚對南軒
 書院大學生員總計八名治經二名治賦六名上元縣
 學大學生員總計七名治經一名治賦六名江寧縣學
 大學生員總計一十一名治經三名治賦八名前件誦
 究得若依日今課試相應一件規繩法度取勘得路學
 明道書院兩處旦望每日依例誦習外據南軒書院上
 元江寧兩縣學為是所出錢糧數少內南軒書院止

海虞瞿氏鐵琴銅劍樓影鈔本

旦望誦說上元江寧兩縣學旦望誦說一六行供誦習
課業旦望誦書除教官正錄前廊耆舊朔望輪次誦說
外三十歲以下十五歲以上儒人常川在學肄業每月
朔日教官預先於四書內出接題三章揭示廊廡聽其
誦究精熟置立簽筒遍寫該誦生員姓名至本月望日
候登誦堂聽誦畢請教官臨時掣簽引至案前對眾將
朔日題目誦說望日依上就出誦題次月朔日依前誦
說三次文理不通者擬降供一季發付本學教導訓誨
再行習讀候降供滿日引上覆念誦說文理通者許令

臣瞿啟甲呈進

回參不通者從學官議罰其係籍儒人不依例赴學陪
拜供誦生員于內多有恃頑見充行臺宣慰司廉訪司
總管府典吏貼書者學校難以約束許教官具姓名申
本路提調學校官照驗施行每日清早教授正錄直學
耆宿小學教諭大學誦書六齋長大小學生員並登臺
耆宿誦通鑑一章然後會食儒生入學書名聽誦畢行
食輪請齋長一員常川在學率領生員輪請正錄一員
下大學訓誨生員出題考試前件誦究得若依自今規
繩法度教養相應

下各路學

行臺監察舉呈正錄山長減員

江東道宣慰司大德二年月呈據建康路申承奉行御史臺劄付據監察御史呈切謂學校乃風俗之源教官不可不脩選法有壅滯之患冗員不可不除為此檢會到至元二十四年省部准擬教官陞轉格例內散府諸州教授有關各處學正一考之上陞充各處學正有關學錄教諭一考之上陞充書院山長目今亦同學正一例陞轉間者卑職到湖廣省間知本省管下儒學正錄書院山長各設一員訪聞江浙江西等處多有濫設員

臣瞿啟甲呈進

教不能一一具呈畧舉建康一路府學除教授外見設學正三員學錄二員明道書院設山長二員南軒書院生徒錢糧最為鮮少亦設山長二員昭文書院別無田產儒戶虛設山長二員皆受行省劄付此等職員如歷一考之上必須給由求充府州教授再歷一任路學教授內選用今江南州郡教授窠闕常少而學正山長太多遷調之間欲無窒礙誠為難矣又恐因而奔競者進教官不得其人恬靜者退真才不顯於世寔非良便以此參詳學正山長既歷一考之上例陞府州教授學錄

教諭亦得以此轉補宜從都省定額各處儒學、正錄書院山長每處存設一員多者革去額外不許濫設其無儒戶學田書院山長亦合減併不惟裁抑冗員庶少窒礙選調據此合行呈訖照詳得此憲臺合下仰照驗就申宣慰司轉呈江浙等處行中書省照詳施行承此府司申訖照驗得此本司今備呈照詳施行

呈浙江等處行中書省

省江浙等處行中書省大德二年二月劄付詎照得大德元年三月十七日欽奉詔赦內一欵節該管冗吏煩擾民害事從省臺合併裁減欽此近據江東道宣慰司

臣瞿啟甲呈進

呈備建康路由承奉御史臺劄付監察御史呈諛為本省管下各處儒學職員數多宜從都省定額每處存設正錄書院山長一員多者革去等書仰就申宣慰司轉呈浙江行省照詳施行得此行據江浙等處儒學提舉司中叅詳江南儒學書院各有所管儒戶錢糧中間多寡不同合先將各路府州正錄照依行中書省至元二十四年元咨都省定到員額路設學正有省委副教處設一員無省委副教處設二員諸州散府正錄各一員其餘宜從裁減外據各處書院山長於儒戶錢糧數少

去處量減一員訖鈞詳事今斟酌定奪得除杭州路擬設學正二員學錄二員諸州散府正錄各一員書院有錢糧去處設山長二員無錢糧處止設一員其餘人數截日草去除已移咨中書省照驗外今將存設并裁減人員開坐前去合下仰照驗依上施行所據減去人數依例給由

劄付各道宣慰司

行臺治書侍御史咨呈勉勵學校事宜

江南諸道行御史臺大德二年二月劄付諫准本臺治書侍御史咨呈欽覩至元三十一年七月詔諭中外百

臣瞿啟甲呈進

官節諛孔子之道垂憲萬世有國家者所當崇奉其贍學田土產業及貢士莊所出錢糧以供春秋二丁朔望祭祀及師生廩饍貧寒老病之士為衆所尊敬者月支糧米優恤養贍廟學損壞隨即修完作養後進嚴加訓誨講習道藝務要成材若德行文學超出時輩者有司保舉肅政廉訪司體覆相同以備選用本路總管府提舉儒學肅政廉訪司宣明教化勉勵學校欽此又累欽奉聖旨條畫凡為學校公事責任廉訪司尤重今切見各處所司官負反有不便於學校者謂如廟象制度釋

菜禮儀乃三重所係凡有因革損益皆朝廷故文之事
或有官員往來以淺俗之見或道聽塗說之論來者輒
有去取而更定之不惟使有司無所適從又使天下禮
文不一又體覆秀才或經或史或詞賦或策論斜通一
藝主司之官亦合度量我之能否然後考正彼之是非
有自來不通儒書亦自責任而體覆者及有假借於人
考校而見於公文者豈惟召識者之笑其于職分不無
欺罔之罪間有文章知名官員體覆不適當面應酬數
語及看所上詩文而已終無法式以別真偽一旦朝廷

臣瞿啟甲呈進

責以罔濫其將何辭以對又有以己之好尚輒使師生
習於世無用之學徒費日月有誤後人又有將堂上前
人所書扁額毀去以己之書剗換易不復存古人或風
使學官板無益之書鐫不急之石剗建改作等事徒費
學糧妄興工役反致妨廢生員事業有負朝廷任責勉
勵之意合行咨呈伏請照驗詳酌戒約施行事准此照
得至元十三年二月內欽奉聖旨宣諭內一款名山大
川寺觀廟宇前代名人遺迹毋得毀折欽此近為湖南
道廉訪司分將濂溪書院亡宋御書省剗拘收及改塑

神像等事已經劄本道欽依施行去後移准御史臺咨該看詳諸處等觀收頓古今書畫墨跡碑銘牌面處有之中間別無禁制此係動衆擾人事理難議施行理合欽依聖旨事理修理學校歲時致祭聖帝明王忠臣烈士移上都御史臺咨合准所擬相應准此通行照會去訖又照得至元二十四年行中書省准中書省咨節該為定奪儒學校授正錄資品事吏部參詳學校風化之源必當謹擇師儒教育後進教官窠闕合今本路推選才德服衆之人牒委文資正官復察相應然後行移

臣瞿啟甲呈進

本道按察司公坐出題試驗倘有不應罪及舉官另行復察官司如此似望革去濫保之弊又元貞元年正月准御史臺咨節諫奉中書省劄付禮部與集賢院學士等官一同議得選舉教官已有考試定例隨處若有所保人員令廉訪司嚴加体覆毋得濫保又照得欽奉詔書節諫贍學地土產業又貢生莊諸人毋得侵奪所出錢糧以供春秋二丁朔望祭祀及師生廩餼貧寒老病之士為衆所尊敬者月支糧米優恤養贍廟宇損壞隨即修完欽此除欽依外今准前因憲臺相度學校一事

任責非輕合下仰照驗凡事加謹遵守施行浙西道肅

政廉訪司

儒戶免差不以田畝為限

浙東道宣慰使司大德二年五月日劄付該准浙東海
右道肅政廉訪司牒承奉江南諸道行御史臺劄付准
御史臺咨來咨湖南道廉訪司申准永州路牒呈宣慰
使張正奉言儒戶田土以幾畝為率除免雜泛差役餘
上田畝與民一体差役免致偏負即係為例事理請會
議事准此照得欽奉聖旨節諫孔子之道垂憲萬世有

臣瞿啟甲呈進

國家者所當崇奉其贍學田土貢士莊田諸人毋得侵
奪作養後進務要成材凡廟學公事諸人毋得阻擾合
行儒人事理照依已降聖旨施行欽此回牒本路就中
合干上司去訖請照詳事准此本處咨請欽依累降聖
旨事意施行准此憲臺除外合下仰照驗欽依累降聖
旨事意施行奉此除外合行移牒請照驗欽依累降聖
旨事意施行准此使司今下仰照驗欽依累降聖旨事

施行劄付各路
總管府

臨江路差儒戶充役被問

江浙等處儒學提舉司大德二年十一月指揮承奉江南浙西道肅政廉訪司指揮承奉江南諸道行御史臺劄付照得至元二十五年十一月內欽奉聖旨節諛尚書省奏江淮等處秀才乞免雜泛差役事准奏今後在籍秀才做買賣納商稅種田納地稅其餘一切雜泛差役並行蠲免所在官司常切存恤仍禁約使臣人等不得於廟學安下非理搔擾欽此又照得至元三十一年七月欽奉聖旨節諛本路總管府提舉儒學肅政廉訪司宣明教化勉勵學校凡廟學公事諸人毋得沮擾擬

臣瞿啟甲呈進

合行儒人事理照依已降聖旨事意施行欽此除欽依外近據臨江路民戶何義狀告本路總管李個不公事內一項將本管儒戶差充各鄉里正主首戶役責勒催辦稅粮子粒酒課及勾攝雜事憲臺相度學校係人倫風化本源累有欽奉聖旨責任廉訪司勉勵毋致廢墮除將臨江路總管另行追問外合下仰照驗通行所屬欽依累降聖旨事意施行毋致違犯奉憲司合下仰照驗通行所屬欽依累奉聖旨事意施行毋致違犯承此本司除已行移各路府州司縣外合下仰照驗通行所

屬欽依累降聖旨事意施行下各路儒學

臣瞿啟甲呈進

廟學典禮卷六

憲司舉明學校規式

浙東海右道肅政廉訪司大德三年四月牒照得立按察司欽奉聖旨條畫內一款節該所至之處勸課農桑問民疾苦勉勵學校宣明教化又欽奉聖旨節該今後應在籍秀才做買賣納商稅種田地納地稅其餘一切差役並行蠲免又欽奉詔書內一款節該學校之設所以作成人材仰各處正官教官欽依先皇帝已降聖旨主領敦勸嚴加訓誨務要成材以脩擢用欽此除欽遵

外切以學校乃風化之源人材所出之地凡在學者正當勉勵業術誨明道藝仰副朝廷崇重之隆近日以來一等儒人不守元規惟知尸役之優免遽忘聖經之闡與朔望拜謁尚有關禮坐齋肄業安有盡心近于三月朔日司官詣婺州路學為見本學職員數少畧行點視其不到者八十人及至誨說有不通者十餘輩此蓋教官教誨之無方抑亦儒生怠慢之所至憲司除另行外誠恐本路儒學亦有似此去處今將元奉行御史台脩到福建儒學提舉司誨究到規式擬議責罰開坐前去

臣瞿啟甲呈進

牒可照驗行下合屬儒學一体施行 一在籍儒人凡遇朔望不犯紅日並須詣學親筆書名陪拜聽誨雍容就列不得譁如有事故者先期具狀經教官處給假附籍以憑稽改或未經請假妄稱事故而不赴學者從舉事檢舉具呈教官依例行罰將罰到鈔數委令司罰置簿收掌以助公支或充課賞前件除依已行規式外如朔望妄稱事故不赴學者從本校檢舉初犯罰中鈔五錢再犯罰一兩三犯別議施行仍令教官置簿標附不到姓名并将罰到鈔數俱令司罰收掌公支 一朔望

誨書除教官正錄前廊耆舊輪次誨說外三十歲以下五十歲以上儒生常川在學肄業每月朔日教官預先出題一章揭示廊廡聽其誨究精熟置立簽筒徧寫該誨生員姓名至今月望日俟登堂聽誨畢請教官臨時掣簽引至案前對眾將朔日題目誨說望日依上就出誨題次月朔日依前誨說三次文理不通者擬降供一季發付本學教導訓誨再行習讀俟降供滿日引上覆念誨說文理通者許令回參不通者從學官議罰前件每月朔望行礼畢耆儒并生員各分等列雍容登堂就

臣瞿啟甲呈進

坐不得喧譁依已行規式誨說外再請行礼官抽簽於中庸大學語孟內另提出一章令坐齋生員默說如有不通者至期量議責罰二次不通者別議 一儒人課試擬定每月從教官出題或賦論經義史評之類在籍諸生各供本經全篇每五卷約取一名照舊例魁名三分亞名二分又次名一分半通榜者各一分教官考校逐月載籍歲終計其分数以考優劣如十二試積及十分者次年正月內從教官申請路文資正官廉訪司官詣學集及分儒生廉引文義通暢者取首名保申上司

以備歲貢其餘籍記姓名所有十二試俱黜者降供一季發付本學訓誨逐日坐齋習讀候降供滿日再行引試中格許令回參其連三月不試者從教官議罰前件除依已從規式外仍將每月已攷過課試文字於行禮官處呈說驗其優劣 一在學儒人除前廊耆舊皆止宋登科貢舍之人逐月朔望輪次誦書外東西序耆儒內請每日登堂誦通鑑一章然後會食儒生五十歲以下者各供月課除孟月經賦仲月論俱各全篇季月經義史評三十歲以下者各各坐齋讀書訓誨每日各習

臣瞿啟甲呈進

所業或雜文論冒小賦經義唐律之類其以成材十五歲以下者另設小學一所教導二員逐日依小學規式教導施行前件除依已行規式外小學每日常川在學肄業朔望與儒生一般陪拜誦書若朔望不到誦書不通者將訓導坐不稱職之罪另議施行牒路 提舉柯登仕申明約會

江浙等處儒學提舉大德三年五月日指揮該近准本司副提舉柯登仕牒會驗至元三十年正月內欽奉聖旨節誥如今和尚一處先生每秀才每有爭差的言語

呵管民官一處休交問和尚每的為頭兒的先生每的為頭兒的秀才每的為頭兒的一同問者處道聖旨了也欽此又照得承奉前江淮等處行尚書省劄付准都省咨文該應儒人詞訟除奸盜徒有司歸問外其餘公事並從約會不許有司經直勾攝奉此除遵依外今來當職切詳和尚先生凡遇管民官同相關公事並從約會歸關外據儒人但有干碍民訟其有司多不經由儒學約問往、違例經直勾攝泛行搔擾似與欽奉聖旨事意并元奉都省元行事理相違牒請照驗備申江南浙

臣瞿啟甲呈進

西道肅政廉訪使司照詳乞賜行移各路欽依聖旨事意并元奉都省定例事宜依例約會歸問施行准此照得近奉江浙等處行中書省劄付准中書省咨宣政院呈至元三十年正月初九日阿都台集賽第一日奏過事內一件托克托察楚克等行宣政院官人每與將文書來這裡的和尚每先生每秀才每一處告爭差的言語有呵和尚每的為頭兒的先生每的為頭兒的秀才每的為頭兒的一同先生秀才每管民官根底私地下去管着先生每的秀才每的為頭兒一同不問管民官

與管和尚的頭一同問有如今和尚每根底先生每的
秀才每底一處有着爭先的言語呵和尚每的為頭兒
的先生每的為頭兒的秀才每的為頭兒的一同問者
麼道與將聖旨來的說將來有俺商量的去年俗人与和
尚每有爭差的言語呵和尚每為頭兒管民官一同問
乎斷者民官和尚每根底休交斷者麼道聖旨与將去
了來如今和尚一處先生每秀才每爭差的言語呵管
民官一處休交問和尚每的為頭兒的先生每的為頭
兒的秀才每的為頭兒的一同問者麼道聖旨與將去

臣瞿啟甲呈進

呵怎生麼道奏呵那般者麼道聖旨了也欽此又照道
先承奉國子監指揮備奉集賢院劄付諛據司直司呈
奉禮部符文諛奉尚書省判送集賢院呈備國子監議
擬到江南各道儒學提舉司管領儒人遇有公事除犯
奸盜從有司歸問其餘一切事務並從的會呈奉都堂
鈞肯准呈送禮部行移合屬照會施行承此又承奉江
淮等處行尚書省劄付諛准尚書省咨諛集賢院呈據
浙東道儒學提舉司申到事內一件各道儒學提舉司
專一管領儒人俱有與管民官司相關者管民官司並

不問事理輕重徑直勾攝泛行搔擾深為未便擬合照依諸衙門體例約會事為此送國子監議擬去後今據狀呈儒人遇有公事除犯奸盜從有司歸問外其餘一切事務並從約會呈訖照詳事本院恭詳若准所擬相應送禮部照擬得合准集賢院所擬都省准呈除外合行移咨照會依上施行准此仰更為照會合屬依上施行奉此除已依上施行外又照得近為學校儒益等事申奉江浙等處行中書省劄付該省府除儒戶差役等約會歸問公事遍下合屬欽依聖旨事意施行外仰照

臣瞿啟甲呈進

驗事承此除外今准前因本司恭詳儒人僧道與民間相關詞訟公事明有欽奉聖旨事意并累奉都省定例理合約會歸問近年以來有司往往多不約問一面徑直勾攝深不副聖朝崇儒重道之美意如蒙行移各路依例約問委為相應為此申奏江南浙西道肅政廉訪司指揮該憲司除已移行各處依例約問外合下仰照驗施行奉此儒司除外仰更為申覆本路并行移各州及各州學書院合屬縣學一體依上約問施行

下紹興路儒學

申明儒人課試

江浙等處行中書省大德三年十一月劄付該近據建德路申一等富戶不通文字計囑儒學官吏買作儒戶與免差役得此議得真儒碩才固宜崇獎安冒避役亦合沙汰如不考試無以辯別為此移准中書省咨照得先准咨文平江路申歸附以來于今二十四年富豪上戶詩書不通偽作儒人入籍除免差役皆及下民逼令逃竄擬合聞奏委官與廉訪司官一同試驗中選者免差不中之人與民一体當差庶幾勉勵後學均平賦役送禮部議擬去後回呈照得至元六年四月內欽奉聖

臣瞿啟甲呈進

旨條畫內一款節該隨路雖有設列學官所在官司例皆看同泛常不為用心勉勵以致學校之設有名無寔仰各路所屬如遇朔望自長次以下正官同首領官率領僚屬吏員俱詣文廟燒香禮畢詣講堂同諸生講議經史更相授受日就月將政清民化欽此今承見奉本部議得江南儒人數多若便通行考試恐有動搖且如富豪之家子弟詐入儒籍或所作月課令人代筆者自是各處正官有失檢舉學官不能訓導致令有此欺弊若貧富賦役不均管民官當任其責以此恭詳平江路

歲辦錢糧誠為不細今後若有富强之家假托儒戶苟避差役及係籍儒生令人代筆者宜從本路官及所在廉訪司体察是寔嚴加懲戒仍與民一例應當雜泛差役本官亦須依例提舉學校毋致隳廢相應具呈照詳得此施行間今准前回咨請照驗事准此省府合下仰照驗施行

割付浙東道宣慰司

籍定儒戶免役

江南諸道行御史臺大德四年正月割付據監察御史呈會驗欽奉聖旨節文今後在籍秀才做買賣納商稅

臣瞿啟甲呈進

種田納地稅其餘一切雜泛差役並行蠲免所在官司常切存恤欽此又欽奉聖旨節諫孔子之道垂憲萬世有國家者所當崇奉其贍學田土貢士莊田諸人無得侵奪教養後進務要成材凡廟學公事諸人毋得沮擾合行儒人事理照依已降聖旨施行除欽依外俸知建康路總管府將本處在籍儒人欲與民戶一例推排里正主省為此追照得本路行卷諫奉江浙行省割付元貞元年十二月二十五日欽奉聖旨條畫內一欽節諫江浙錢糧為數浩大元係富戶催辦今富强者苟避差

役使下戶承充里正主首以致靠捐貧民錢糧不能辦
集仰照勘不以是何投下諸名色影蔽有田納稅富豪
戶計從本省分間與其餘富戶一例輪當里正主首催
辦錢糧應當雜泛於內若有疑惑不能與決者具由咨
中書省定奪欽此仰委本路總管廉中議專一依上從
公點差有田納稅富豪戶計應當里正主首仍將點差
定各戶花名田產攢造脩細文冊申省各路備坐行下
所轄州縣依上施行為此看詳學校之設蓋人倫風化
所係寔與各投下并其餘諸色戶計不同兼先欽奉聖

臣瞿啟甲呈進

旨節文在籍秀才一切雜泛差役並行蠲免今奉聖旨
明交投下諸色戶計從江浙行省分間輪差若有疑惑
移咨中書省定奪今有司不加詳照將在籍儒人与民
一体科差有負聖朝崇儒重道之意擬合欽依累降聖
旨事意施行呈乞照詳又據江南浙西道肅政廉訪司
申照得尚書省至元二十五年十月二十八日月察
爾集賽第一日奉過事內一件秀才每欲買賣呵与商
稅者種田呵与地稅者其餘橫枝兒不揀甚麼雜泛差
發休与者麼道執把着的聖旨索有俺商量的執把着

的聖旨他每根底與呵怎生麼道奏呵那般者麼道聖
旨了也欽此又至元二十六年正月內欽奉聖旨節諫
今後在籍秀才做買賣納商稅種田納地稅其餘一切
雜泛差役並行蠲免所在官司常加存恤欽此又至元
三十一年四月內欽奉詔書內一款節諫學校之設所
以作成人材仰各處正官教官欽依先皇帝已降聖旨
主領敦勸嚴加訓誨務要成材以備擢用所在官司常
与存恤欽此又至元三十一年七月內欽奉聖旨節諫
諭中外百司官吏人等孔子之道垂憲萬世有國家者

臣瞿啟甲呈進

所當崇奉本路總管府提舉儒學肅政廉訪司宣明教
化勉勵學校凡廟學公事諸人毋得沮擾合行儒人事
理照依已降聖旨施行欽此除欽遵外江浙等處儒學
提舉司及平江路儒學各狀申吳江州長洲縣將儒戶
胡鏐程淳祖朱應得謝晟孫違例差充各都里正王首
等事議行間今據儒學提舉司狀申元貞二年四月內
承奉江浙等處行中書省劄付欽奉聖旨節文據中書
奏江浙等處行中書省平章特穆爾穆尔布哈等陳說
有力富强之家往投充諸王位下及運糧水手香莎

糶米財賦醫人僧道火佃舶商等諸項戶計俱各影占不當雜泛差役止令貧難下戶承充里正主首錢糧不辨偏負生受乞降聖旨事唯奏內一款節詎仰照勘不以是何投下諸名色影蔽富豪戶計從本省分間與其餘富戶一例輪當里正主首催辦錢糧應當雜泛差役於內若有疑惑不能與決者具由咨中書省定奮却不得因而動搖違錯欽此分間到數內儒籍內自來委係儒人合免里正主首雜泛差役仰欽依聖旨事意施行承此又大德元年五月內據嘉興路學錄丁蕙孫狀告

臣瞿啟甲呈進

係杭州路附籍儒人寄莊田土坐落平江路常熟州被本處官司差役等事申奉江浙等處行中書省劄付詎省府照得近欽奉旨節詎江浙錢糧為數浩大照勘不以是何投下諸名色影蔽富豪戶計從本省分間與其餘富戶一例輪當里正主首催辦錢糧應當雜泛差役欽此分間到合當合充戶計內和尚先生秀才各有所宗自古稱為三教據儒籍內自來委係名卿大夫秀才戶計擬合欽依累朝皇帝聖旨今上皇帝聖旨事意一例除免已行遍行各處依上施行去訖仰照驗施行承

又大德二年十月內承奉江南浙江道肅政廉訪司
指揮脩奉江南諸道行御史臺劄付諛為臨江路總管
李倜不公事內一項將本管儒戶差充各都里正主首
戶役責勒催辦稅糧子粒酒課及勾攝雜事憲臺相度
學校繫人倫風化本源累有欽奉聖旨責任廉訪司勉
勵毋致廢弛除將臨江路總管另行追問外仰通行所
屬欽依累降聖旨事意施行毋致違犯奉此先為各路
時州司縣將在籍儒戶差充鹽局倉庫官攢催課頭目
坊里主首淘金戶等役申覆省府并肅政廉訪司已蒙

臣瞿啟甲呈進

遍行各路欽依累奉聖旨事意施行外據平江路儒戶
東元嘉鄧榮俞處仁張文彪嘉興路儒戶徐砥杭州路
儒戶家之巽張焯張烘張斗謝晟孫趙由昇俞應模
鄭淮劉松慶元路儒戶袁楠袁棟紹興路儒戶王英孫
陳恕可王性之等各狀告平江路縣官司差充里正
主首等役及有鉛山江陰等州將儒戶與民一體科差
不便又照得大德三年二月內欽奉詔書節諛朕自臨御
以來日圖善治思濟天下之民詔書屢降而有司奉行
弗至以致恩澤不能下流欽此竊惟三教鼎立甚久而

儒教乃三綱五常所自出於世道為最切且以一二見用者言之上而朝會祀典進賀表章下而案牘文移之事皆出於儒所在司獨欠優卹動輒差克里正主首或擅敢勾擾或作非理科敷不止一端假令儒戶數多及間有近上戶計曾不及僧道五分之一况所有田地依例輪納稅糧所免者徭役而已况欽奉累朝聖旨蠲免差徭敦勸存恤兼儒人不係投下戶計若有司似前件擾非惟有失國家崇儒重道之心亦且不稱見欽奉詔書內恩澤下流之意擬合照依抄戶年分以籍為定其

臣瞿啟甲呈進

在籍儒戶欽依累降聖旨事意蠲免一切雜泛差發似望儒學才致廢弛人才有所作為此申覆省府照詳乞賜遍行合屬嚴加禁治今後毋得將在籍儒戶動搖差擾欽依累降聖旨事意施行又恐各處學校將不係在籍儒戶影蔽致使有司藉此為詞泛行科差遍行各路儒學不得擅將不係在籍儒人影蔽戶役引進違錯去後八月初六日承奉江浙等處行中書省劄付諛委係籍定儒戶別無影占田土就便行移各處欽依累降聖旨事意施行毋得違錯承此卑司除已移牒總管府

及各州行下合屬欽依累降聖旨事意施行外申乞遍
行各路欽依施行更賜備申江南諸道行御史臺行下
浙東江東肅政廉訪司行移各路欽依累降聖旨事意
施行得此卑司申訖照詳得此憲臺除外合下仰照驗
欽依累降聖旨事意施行

劄付浙東海右
道肅政廉訪司

廉訪司分舉明体察

浙東海右道肅政廉訪司大德四年二月牒諫准本道
監治台慶分司牒照得至元三十年七月內本道肅政
廉訪司承奉行御史臺劄付准御史臺咨承奉中書省

臣瞿啟甲呈進

劄付禮部呈今後薦舉學職責任教授人員須要保結
所錄文字即非假手更須保結所錄文字委是中程堪
以傳授更須保結年高德劭今壽幾何委是為衆推服
又須保結委是堪充教授或學正學錄教授如是以後
但有須冒不寔發露到官止將教授量降罰教授恐其
累已選舉廉可覈真如蒙准呈乞下照會都省除外仰
依例体察施行又大德三年八月內本道肅政廉訪司
体覆儒人各處保舉不一移准江南浙西道肅政廉訪
司牒諫照得至元三十年七月內欽奉聖旨節諫諸路

府州縣邑廟學書院作養後進嚴加訓誨誦習道藝務要成才若德行文學超出時輩者有司保舉肅政廉訪司体覆相同以備選用本路總管府提舉儒學肅政廉訪司宣明教化勉勵學校欽此看詳近年選用儒人例係教授應舉申覆本路總管府備牒廉訪司体覆有司轉申行省定奪今後從提舉司考較因為良便但有經本路保荐似與欽奉聖旨許從有司保舉体例相違合無循例先從教授舉荐申覆儒學提舉司考校中程移文本路總管府檄寔保明牒呈廉訪司体覆回牒有司

臣瞿啟甲呈進

轉申行省緣係為例事理申奏江南諸道行御史臺劄付仰欽依聖旨事意施行牒請照驗准此已經已牒各路行下儒學照驗去訖切惟學校乃風化之源教官乃學校之綱苟舉用不得其人治教何由而生是以朝廷立法選士必憑鄉曲推舉年高德博性行修潔堪為後進師範者經由廉訪司体覆相同然後用之近年以來儒學提舉司不依元例恣意濫保年高德劭之士不得間達年少德薄之人奔競冒進各處學執遂有重注重任待闕之弊盖由此路今巡按司台州本路備准儒學

提舉司保到儒人堪充教諭者凡三十餘名雖連所業十篇不見是否親作當今教授繆若鳳將引各人赴司有趨趨不到者大半勉強赴司者一十餘名及至命題考試其作文中程之士少害理訛事之輩多不能自教何以教人叅詳儒人始由教諭升為正錄山長自山長受除教授俸給至厚出身甚優乃諸儒之領袖為士類之師範釋奠拜謁班居其上講書會課席坐其中體覆之際不可不慎若使上下相蒙關節附會儒學視為竒貨而泛濫保舉提舉以為文具而不曾考校各路看同

臣瞿啟甲呈進

泛常既不覆寔保明憲司若止憑虛文更不加意體覆縱今晚進後士不通文學僥倖之徒冒濫充之不惟教養失人學校不立其德行文學之士意以玉石混淆恥與同列未免隱避山林恐有遺賢之患深不副國家建學立師之初意除已行移台慶兩路并下儒學今後所選教諭須要本學照依元例從公舉明年高才德兼備之士保舉所業文字委是親作申覆提舉司考校中程本路覆寔保明方許牒呈體覆如有年少無學之人泛濫保舉但有體覆不應先將元舉教授嚴行降罰有司

提舉司官別議施行外合行移牒請照驗更為會議行
移各路并提舉司依上施行准此牒可照驗依上施行

牒
路
興

行省差設教諭

浙江等處行中書省大德四年六月劄付照得近准中
書省咨禮部呈照得在先循行選取教授格例皆憑本
路保申抄達廉訪司體覆相同牒文委是年高德幼學
問諛博士行修潔恬退自處不求間達堪充師範之人
充應仍將本人親筆文字十篇申部行下集賢院司直

臣瞿啟甲呈進

司轉申本院下國子監考試中程司直司申部就便於
教官內銓注元行如此近年以來各路所申正憑散儒
人告狀保舉到上文字別無儒學正官重甘保結上下
相蒙關節附會往來將少年晚進保充學官雖有文字
十篇亦未知本人親作或假手於人監學考校有稱可
以模範一路者有稱可為學正學錄教諭者又各高下
不等即日四方保牒填委人人希望教授恥作以次學
官窠闖塞滿調選誠難本部切詳一方教授瞻仰師尊
釋奠焚書班在諸儒之首講書會課坐居正席之中生

員聽其傳經路官與之抗禮若用晚進年少之人恐難
壓服衆心果能如顏淵德行賈誼高才不拘此限而又
今者見任教授月有俸祿仕有出身豈宜虛通人情縱
令散儒濫保莫若立法制今後荐舉學執責任教授人
員須要保結所錄文字委是親作堪以傳授又須保結
委堪充師範或學正錄教諭如是以後但有虛冒不寔
發露到官止將教授量情降罰教授慮其累已選舉庶
可覈真如蒙准呈訖下照會然此該恐未當具呈照詳
施行諸省除已劄付御史臺依例體察外咨請照驗遍

臣瞿啟甲呈進

行合屬依上施行准此已經行下各處照驗去訖省府
議得切謂開設學校置立教官宏聖人之道談聖人之
經務以養人材正彝倫美教化移風俗其意可謂盡善
盡美矣近年以來儒風浸壞富豪之子急於仕進謁托
營求各路儒學往徇情保舉提舉司校勘虛加褒獎
廉訪司体察相應一牒有二三十名照得即日到省學
官已有五百八十餘員山長學正窠闕僅有一百餘處
又提舉司縣設教諭二員見在守闕復有四百之上似
此泛濫員多闕少久而不能遷調使真才寔學之士一

概沉滯甚不副國家設立學校之意腹裏縣家教諭俱受中書吏部符文本省管轄所教諭提舉司委付出身既與學錄一体教諭亦今受省劄除於到選人內通行挨次銓注外合下仰照驗即將提舉司所設人員截日革去今後果有德業優長堪為師範者儒學從公荐舉行移廉訪司逐名依例体覆繳連的本牒之申省施行

下儒學
提舉司

成宗設立小學書塾

江浙等處儒學提舉司大德四年六月指揮該承奉江

臣瞿啟甲呈進

浙等處行中書省劄付該據建康路申勸勵學校擬於請糧儒人內遴選堪為師範之士於各鄉每都創立小學書塾一處訓習生徒申奉行御史臺劄付該化民成俗莫書於學若准儒學提舉司所言各路一体設立寔為盛事仰就申合于上司施行乞照驗事得此會驗欽奉聖旨條畫內一款節該今後每社設立學校一所擇通曉經書者為學師於農隙時月各令子弟入學先讀孝經小學書次及大學論孟經史務要各知孝弟忠信敦本抑末依鄉原例出辦束修如自願立長學者聽若

積久學問有成者申覆上司照驗欽此今據見申省府
除外合行仰照驗依上施行奉此照得近准建康路牒
准本路總管廉中議關學校乃作養後進之地除路州
縣學書院各設小學教諭教習生員外據請糧耆儒人
內遴選真材寔學前輩典刑為師範之士在成八隅各
設學書塾一處訓習生徒作養後進在塾生員晨昏便
於修讀或能擔簦負笈不遠千里而來者皆所不拘若
夫束修如其父兄有樂教子弟之心隨宜多寡供選各
從其便為師尊者常禮教不厭誨不倦之意如遇朔望

臣瞿啟甲呈進

令各塾師儒率領諸生前詣學院觀禮使知學校規繩
期成遠大之器其餘州縣擬於各鄉每都依上創設立
小學書塾近者每月赴學鄉村遠者不須赴學仍開坐
設立書塾去處員數申覆照驗庶幾將來可有稽攷准
此行據本路儒學并各州縣儒學各狀申依上於請糧
儒人內選擇設小學書塾訓習生徒外今將各州司縣
設立書塾去處開坐前去請照驗施行准此儒司參詳
古者家有塾黨有庠術有序所為作養後進莫先於此
今建康路坊隅鄉都擬設書院似為相應申奉省府劄

該臨得欽奉聖旨節該應設廟學書院作養後進嚴加訓誨講習道藝務要成材本路總管提舉儒學肅政廉訪司宣明教化勉勵學校凡合行事理照依已降聖旨施行欽此除欽遵外今據見申除已劄付建康路就便申覆行御史臺行下廉訪司諱究擬議可否施行外仰照驗施行奉此已經移牒建康路并行下本路儒學依今省臺事理施行去後今奉前因儒司除外合下仰照驗於本處學糧儒人內遴選真材碩學堪為師範之士并合設去處擬定官吏保結申司施行

臣瞿啟甲呈進

山長改教授及正錄教諭格例

江浙等處行中書省大德五年六月劄付准中書省咨吏部呈奉省判元呈江南書院山長改設教授又教官額員陞轉等事於大德四年六月內約會到翰林國史集賢院禮部官等一同議擬到下項事理具呈照詳得此都省除外咨請照依區處定奪事理施行准此除外省府合下仰照驗依中書省咨文內事理濫用員數盡行革去仍照勘亡宋歸附以前合設書院去處所出學糧多寡歸附後初設去處自今有無學田通行照勘

明白脩納開坐同合設教官額員并各各到任月日一就開申外據見設教官并以後補替人員依上季報施行一江淮迤南書院故設教授照得至元二十一年二月至准中書劄付近為江淮見設提舉學校官各路亦有設者此職與教授等學官其品級相懸於義未當兼南方府州軍縣學校書院所在皆多若不定立學官員數及各分品級使高下合宜以備將來陞轉南方選到文儒之士可為後進師範者何以處之為此送吏部與禮部翰林國史集賢院一同議得南方前進士可為師

臣瞿啟甲呈進

範者多兼所在學校書院俱有錢糧足以贍給使教官得人職業修舉作成人材以備他日選用其於治化本原所繫甚重緣自歸附之後老成前輩恬於進取各處保充教官者其學問才德往往不壓人望近年以來一道既設提舉學校官各路又設提學既與教授並為學官教授而下又有訓導提點錢糧等職名不惟品級相懸於義未當而官冗人濫深為不副上司崇重師範樂育人材之意議得隨路教授學正學錄師範後進作養人材撰述進賀表章考試歲貢儒吏資品雖輕責任寔重若非公選博學洽聞

有德之士將見幸門一啟賢不肖混淆雖欲盡革前弊不可得已今擬到江淮學官格例乞照詳都省除革罷各道提舉學校官并訓導提調錢糧等官間奏外條准所擬仰照驗施行數內開項該江浙學官各路擬設儒學提舉一員教授一員學正一員學錄一員直學一員散府諸州并各處書院擬設教授一員學正一員學錄一員直學一員教授祇受勅牒學正擬受行中書省劄付學錄教諭拘該行中書省親臨路分擬授本省劄付外宣慰司所轄去處並受本司付身直學止後本路出給付身各路儒學提舉與教授

臣瞿啟甲呈進

一同管領學事學正學錄不得連銜簽署文簿府州并各處書院准此直學掌管本學田產屋宇書籍祭器一切文簿并見在錢糧凡有支發並聽提學教授公議區處明立案驗不得擅自動支違者從教官申覆本處官司截日黜罷選取陞轉例儒學提舉擬從七品以前進士到選相應人充三年為一任滿日再歷別路一任依例於司縣官內選用其已除資品高者依驗前資陞轉各路教授擬從八品以前進士及學問該洽士行修潔為衆推服提刑按察司體覆申臺呈省到部相應人充

三年為一任滿日再歷別路一任依例於從八品司縣
官內遷用若儒學提舉有闈亦擬銓注散府諸州并各
處書院教授正九品依上選注以三年為一任遷充各
路教授無闈止於本等窠闈內更歷一任依例於從八
品司縣官內遷用學正學錄教諭以儒業優長士行修
潔曾得鄉漕荐者從本路行移本道提刑按察司體覆
相應因准公牒然後保申合屬上司備呈行省直學從
在前職事人內選保性行端方才幹通敏者充依例出
給付身散府諸州并各處書院教授有闈各處學正歷

臣瞿啟甲呈進

一考之上者陞補各處學正有闈學錄教諭一考之上
者陞補學錄教諭有闈於直學內選保陞補並依例體
覆申呈各道提舉學校官員並訓導提點錢糧等職名
並擬革罷仍令各處文資正官一員專一提調承此除
遵依外照得江南各道書院山長俱各不曾換授勅牒
止令行省就委每處別無額員勾當一考轉充府州教
授今見到部者已積二石餘員不能遷調為此移准集
賢院關於江南學田冊內照到書院地產錢糧三十二
處照不見五十二處本部參詳擬令照依至元二十一

年都省與翰林集賢院講究定事理比依府州設立教授其行省所委山長並行革去寔為便益外據來經照勘書院合咨行省依上照勘各、是否應設去處開坐地項糧數以憑定擬相應又准集賢院關照得除學田地錢糧外今將江南各處見設書院處所開坐關請照驗准此前件講究得江南書院始因前賢而置其訓誨生徒作養人材與夫地產錢糧不在府州學校之下且山長俱係行省委用別無額員止歷一任轉充府州教授致使員多壅滯不能調用宜准吏部已擬於額設書院

臣瞿啟甲呈進

四十六處每處改設教授一員却將見有山長盡行革去豈以增廣窠闥實塞行省冗濫之源外據新設書院三十七處若便一体置立未諗是否必合專設或宜減併合咨行省從公講究各、應設處所同地產錢糧一就開咨至日定奪相應本省額設浙東浙西道杭州西湖嘉興宣公湖州安定平江學道和靖鎮江婺州麗澤台州上蔡紹興稽山衢州柯山温州永嘉江東道建康明道南軒太平大門徽州紫陽饒州鄱陽樂平州慈湖信州廣信鵝湖象山鉛州宗文池州齊山福建道建寧

武夷敕設浙東浙西道常州曾山建德鈞臺紹興蘭亭
 右軍高節和靜慶元慈湖州石婺州月泉衢州明正清
 猷崧高處州獨峯石洞明善鎮江茅山嘉興傳貽江東
 道太平東軒采石余干州忠定石洞浮梁州長鄉双溪
 信州道藍山德興初菴分州錦江徽州晦菴前件議得
 江南書院額設去處每處准設山長一員餘悉罷去仍
 照勘亡宋歸附以前令設去處所出學糧多寡歸附後
 敕設去處目今有無學田通行照勘明白備細開坐咨來
 外據改設教授事理候照勘見數至日商議行省所轄儒學

臣瞿啟甲呈進

教官額員陞轉等事照得至元二十一年二月呈准申
 書省劄付腹裏儒學教官例路教授擬設一員學正學
 錄各設一員散府上中州設教授一員下州設學正一
 員縣設教諭一員除教授祇受勅牒學正受中書省劄
 付學錄教諭並受吏部付身路府州縣各添設直學一
 員正受本路付身勾當各處教授以三年為滿依例遷
 調須應兩任所據路教授遇有闕員散府中州教授歷
 考之上者陞補各處學正有闕學錄教諭歷一考之上
 者陞補學錄教諭有闕於直學內選保陞補並依例體

覆中呈如未有關員依舊當遇闕依例陞補江淮儒學
各路擬設教授一員學正一員學錄一員直學二員散
府諸州并各處書院擬設教授一員學正一員學錄一
員直學一員各縣擬設教諭一員上項各設教授祇受
勅牒學正受行中書省劄付學錄教諭拘該行中書省
親臨路分擬受本省劄付外據宣慰司所轄去處並受
本司付身直學於本學在前執事人內選保性行端方
才幹通敏者止從本路出給付身勾當散府諸路并各
處書院教授有關各處學正一考之上者陞補直學於

臣瞿啟甲呈進

本學在前執事人內選保性行端方才幹通敏者充依
例休履申呈未有關員依舊勾當承此近為江南儒學
教官員多闕少不能調用擬將各處書院山長罷去照
依舊例改設教授品同府州陞轉庶草泛濫以此具呈
未蒙明降今來本部照得即日在選教授二百餘員若
正及此尚且數年注受未畢况又續到者亦未見數以
此論之蓋是各省不依元額又不循資一槩差役僅能
及考輒便保陞既到者部為無稽考止憑无咨俱轉致
授黃緣壅積賢否混淆冗濫之弊寔由于此今若必欲

更革當清其源參詳行省所轄儒學教官合與腹裏一体路設教授據正錄各一員散府上中州止設教授一員下州年書院各設學正一員縣設教諭一員餘皆盡行革去如遇闕員止于學錄教諭內遞進寔歷一任之上依例陞轉並要體覆若果以德行才能難拘常調直舉學正者亦須明白體覆相應兩任之上方許遷用如蒙准呈移咨行省取勘合設教官額員並各到任日用開咨本部置立貼黃以憑照勘以後補替人員亦行季報依例標附如此則庶幾事有關防人易調用前件

臣瞿啟甲呈進

講究得除書院改設教授外行省所轄儒學教官額員并陞轉等事合依吏部已擬相應前件議得除所設書院學不設外教授學正錄教諭照依腹裡例一体設立濫用員數盡行革去餘准吏部所擬施行

下儒學
提舉司

廟學典禮卷六



廣學典

卷六

无

臣瞿啟甲呈進



